



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education

Broj: 11-03/02-34-10427-13-1/22

Sarajevo, 27.4. 2022. godine

SKUPŠTINA KANTONA SARAJEVO

n/r Elvedin Okerić, predsjedavajući Skupštine Kantona Sarajevo

Predmet: Odgovor na zastupničko pitanje, *dostavlja se*

Cijenjeni/Cijenjena,

Zastupnica u Skupštini Kantona Sarajevo Segmedina Srna je na 49. Radnoj sjednici Skupštine Kantona Sarajevo održanoj dana, 15.3.2022. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 213. Poslovnika Skupštine Kantona Sarajevo postavila **zastupničko pitanje:**

Na 66. sjednici Vlade KS održane 24.2.2022. godine donesena je Odluka broj: 02-04-5574-24/22, a odnosi se na izmjenu Pedagoških standarda za osnovnu školu, tačnije dijela koji se odnosi za nastavni predmet Kultura življenja i to konkretno na podjelu učenika u grupe pri realizaciji nastave. Da li je kod donošenja predmetne odluke urađena ikakva stručna analiza koja je dovela do zaključka potrebe za navedenom promjenom? Da li je u tom procesu vršena konsultacija sa aktivom nastavnika? Da li je sindikat dao saglasnost za brisanje navedene odredbe? Želim da naglasim kako se radi o izuzetno značajnom nastavnom predmetu koji djecu uči bontonu, pravilima odijevanja, stanovanja, pravilnoj ishrani, bolestima i posljedicama nepravilne ishrane, načinima raspolaganja novcem, štednji, bosanskoj tradiciji i to sve kroz praktičan rad. Izuzetno je važno da ne odustajemo od metodologije izvođenja nastave zbog činjenice da neko istu u praksi ne želi implementirati, pa iz razloga zaštite odgovornih od inspeksijskog nadzora, Ministarstvo ne bi trebalo bez detaljne analize prihvatiti opciju u kojoj se direktorima izlazi u susret brisanjem odredbe/obaveze na štetu djece.

Odgovor:

Vlada Kantona Sarajevo donijela je Odluku, broj: 02-04-5574-24/22 od 24.02.2022. godine, o izmjeni Odluke o pedagoškim standardima i općim normativima za osnovni odgoj i obrazovanje i normativima radnog prostora, nastavnih sredstava i učila po predmetima za osnovnu školu („Službene novine Kantona Sarajevo“, broj:30/18).

Razlozi za donošenje ovog akta sadržani su u članu 36. stav (9) Zakona o osnovnom odgoju i obrazovanju („Službene novine 23/17, 33/17, 30/19, 34/20 i 33/21), kojim je propisano da izuzetno učenici od V-IX razreda u toku sedmice mogu imati jedan čas više redovne nastave u odnosu na broj časova propisan u st. (6) i (7) ovog člana i to samo kada se radi o predmetima koji su u skladu sa standardima i normativima za osnovnu školu dijele u grupe.

U poglavlju 4., tačka 4.1.13., Pedagoških standarda i općih normativa za osnovni odgoj i obrazovanje i normativa radnog prostora, opreme, nastavnih sredstava i učila po predmetima za

osnovnu školu („Službene novine Kantona Sarajevo“, broj 30/18). definisano je da se, prilikom organizovanja praktičnog rada i vježbi, odjeljenje dijeli u dvije grupe osim ako broji manje od 20 učenika. U fusnoti „⁶“ koja se odnosi na navedenu tačku, navedeno je da se isto odnosi na predmete : informatika, tehnička kultura i kultura življenja.

Ministarstvo za odgoj i obrazovanje Kantona Sarajevo je izvršilo analizu nastavnih sadržaja planiranih za realizaciju nastavnog predmeta Kultura življenja, a koji se odnose na realizaciju vježbi koje podrazumijevaju učešće učenika u radu u grupama. Sve nastavne jedinice koje su planirane nastavnim predmetom Kultura življenja se mogu realizirati bez da se učenici dijele u grupe. Vježbe koje su planirane su već usvojene u nižim razredima osnovne škole i ne zahtijevaju da ih učenici trebaju usvajati u manjim grupama (npr. Porodično stablo, Izbor namještaja, za moj dom, Starine mog zavičaja, Narodne nošnje u Bosni i Hercegovini, Izrada piramide pravilne ishrane, Ljepša strana života- hobi, zabava, značaj odmor, sporta i rekreacije).

S obzirom da je drugo polugodište školske 2021/2022. godine u toku, te da neke osnovne škole nisu izvršile podjelu odjeljenja u grupe na nastavnim predmetu Kultura življenja zbog prethodne instrukcije Ministarstva koja im je dostavljena u školskoj 2019/2020. godine u kojoj je dato stručno mišljenje da zbog navedenog nije neophodno dijeliti učenike u grupe prilikom realizacije nastavnih sadržaja predmeta Kultura življenja, to bi podrazumijevalo, ako bi se učenici dijelili u grupe, to nalaže nova radna mjesta (9,19 nastavnih normi), odnosno broj časova koji bi se povećao za 196 i promjenu rasporeda u školama, a što bi otežalo odvijanje redovnog odgojno-obrazovnog procesa.

Važno je napomenuti, da bi slučaju podjele u svim školama došlo do povećanja broja nastavnih sati, te bi učenici u V razredu u toku sedmice imali dva časa redovne nastave u odnosu na broj časova koji je propisan u članu 36.st. (6) i (7) Zakona o osnovnom odgoju i obrazovanju („Službene novine Kantona Sarajevo, br. 23/17, 33/17, 30/19, 34/20, i 33/21). Shodno navedenim razlozima na prijedlog Ministarstva za odgoj i obrazovanje, te na osnovu pozitivnih mišljenja Ministarstva pravde i uprave Kantona Sarajevo, Ministarstva finansija Kantona Sarajevo, Ureda za zakonodavstvo Kantona Sarajevo i Samostalnog sindikata osnovnog obrazovanja FBiH, Vlada je donijela Odluku o izmjeni Odluke o pedagoškim standardima i općim normativima za osnovni odgoj i obrazovanje i normativima radnog prostora, nastavnih sredstava i učila po predmetima za osnovnu školu.

Imajući u vidu naprijed navedeno, a uvažavajući Odluku o izmjeni Odluke o pedagoškim standardima i općim normativima za osnovni odgoj i obrazovanje i normativima radnog prostora, nastavnih sredstava i učila po predmetima za osnovnu školu Ministarstvo za odgoj i obrazovanje Kantona Sarajevo je informisalo osnovne škole koje su u školskoj 2021/22. godini već izvršile podjelu odjeljenja u dvije grupe za nastavni predmet Kultura življenja da nastavljaju sa tim vidom realizacije odgojno-obrazovnog procesa, a u suprotnom da je potrebno kadrovsko planiranje za novu školsku godinu planirati u skladu sa navedenom Odlukom o izmjeni Odluke o pedagoškim standardima i općim normativima za osnovni odgoj i obrazovanje i normativima radnog prostora, nastavnih sredstava i učila po predmetima za osnovnu školu.

S poštovanjem,

Dostaviti:

1. Naslovu;
2. a/a



RICA

Iuminović



Adresa: Reisa Džemaludina Čauševića 1, 71000 Sarajevo

Tel: + 387 (0) 33 562 428

Web: <http://mo.ks.gov.ba>, E-mail: mo@mo.ks.gov.ba